

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 21.10.2021թ. թիվ 2113609031 որոշումն անփոփոխ, իսկ վարչական բողոքն առանց բավարարման թողնելու մասին

<< 02 >> 11 2021թ. 7-13- 16434

ք.Երևան

Ճանապարհային ոստիկանության պետի պաշտոնակատար, ոստիկանության գնդապետ Ն.Սարգսյանս, վերանայելով Գուրգեն Արարքցյանի ՄԴ/88347-21 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Կենտրոն վարչական շրջանի Թամանյան փողոցի 3 շենքի 35 բնակարանի բնակիչ Գուրգեն Արարքցյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 21.10.2021թ. թիվ 2113609031 որոշումը՝ նշելով, որ կոունկը փակել էր ճանապարհը, իսկ նա ծանր բեռ պետք է իջեցներ:

Դիմումի քննարկման արդյունքում պարզվել է, որ թիվ 2113609031 որոշումն ենթակա է կատարման հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները:

<<Կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման 49-րդ կետի համաձայն՝ հետընթացն արգելվում է խաչմերուկներում, մերձակա տարածքից ճանապարհի դուրս գալիս և կանոնների 50-րդ կետում թվարկված տեղերում: Ըստ նույն որոշման 50-րդ կետի 7-րդ ենթակետի՝ **հետընթացն արգելվում է միակողմ երթևեկությամբ ճանապարհներին:**

Ճանապարհային ոստիկանության վարչական տույժ նշանակելու մասին 21.10.2021թ. թիվ 2113609031 որոշմամբ արձանագրված իրավախախտումն ամրագրած տեսանյութը փաստում է 5.7.2 <<Ելք դեպի միակողմ երթևեկությամբ ճանապարհ>> ճանապարհային նշանի առկայությունը, անպես էլ դիմումատուի կողմից շահագործվող <<BMW>> մակնիշի 030S169 հաշվառման համարանիշի տրանսպորտային միջոցը 16.09.2021թ. ժամը 09:39-ին Երևան քաղաքի Թամանյան-Իսահակյան փողոցների խաչմերուկի հատվածում՝ մասնավորապես Թամանյան փողոցում հետընթաց է վարում միակողմ երթևեկությամբ ճանապարհով՝ տրանսպորտային միջոցների հոսքին հակառակ ուղղությամբ:

Վարչական իրավախախտումների վերաբերյալ << օրենսգրքի 124-րդ հոդվածի 14-րդ մասի համաձայն տրանսպորտային միջոցը միակողմանի երթևեկությամբ ճանապարհով տրանսպորտային միջոցների հոսքին հակառակ ուղղությամբ (այդ թվում՝ հետընթաց) վարելը՝ առաջացնում է տուգանքի նշանակում՝ սահմանված նվազագույն աշխատավարձի քսանապատիկի չափով, տուգանային միավորի կիրառում՝ 3 միավոր:

Հարկ է նշել, որ Վարչական իրավախախտումների վերաբերյալ ՀՀ օրենսգրքի 124-րդ հոդվածի 14-րդ մասի պահանջը խախտելու համար արարքը նվազ նշանակություն ունեցող գնահատելու կարգ սահմանված չէ (ինտենսիվ երթևեկություն, ազատ ճանապարհ, խոչընդոտ ստեղծել կամ չստեղծել, դիտավորություն, անզգուշություն և այլն):

Ինչ վերաբերվում է դիմումատուի խնդրանքին՝ իրավախախտումը նախազգուշացմամբ փոխարինելուն, ապա ՀՀ Սահմանադրության 6-րդ հոդվածի 1-ին մասի համաձայն՝ պետական և տեղական ինքնակառավարման մարմիններն ու պաշտոնատար անձինք իրավասու են կատարելու միայն այնպիսի գործողություններ, որոնց համար լիազորված են Սահմանադրությամբ կամ օրենքներով:

Այսպիսով հիմնավորվել է, որ դիմումատուին վարչական պատասխանատվության ենթարկելու մասին վերը նշված որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 21.10.2021թ. թիվ 2113609031 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Գուրգեն Արարքցյանին:



Ն. Սարգսյան